

5. november 2006

UKA2006/53

Peqqinnissaqarfiup sullissineri il.il. pillugit Inatsisartut peqqussutaata allangortinneqarnissaanut Inatsisartut peqqussutissaattut siunnersuut
(Peqqinnissaqarfiup sullissinernut akileeqqusisinnaanerata il.il. inatsisitigut ersarissarneqarnera)

pillugu

Inatsisartut Peqqissutsimut Ataatsimiititaliaata

ISUMALIUTISSIISSUTAA

Siunnersuutip aappassaaneerneqarnerani saqqummiunneqartoq

Inatsisartut Peqqissutsimut Ataatsimiititaliaat suliarinninnermini ukuningga inuttaqarpoq:

Inatsisartunut ilaasortaq Jens Lars Fleischer, Siumut, siulittaasoq
Inatsisartunut ilaasortaq Godmand Rasmussen, Atassut, siulittaasup tullia
Inatsisartunut ilaasortaq Vittus Mikaelson, Siumut
Inatsisartunut ilaasortaq Juliane Henningsen, Inuit Ataqatigiit
Inatsisartunut ilaasortaq Astrid Fleischer Rex, Demokraatit

UKA 2006-imi siullermeerininnerup kingorna Inatsisartut Peqqissutsimut Ataatsimiititaliaata peqqussutissatut siunnersuut nassuiaatitai ilanngullugit misissorpaa.

Tusarniaanermut akissuteqaatit

Siunnersuummut pineqartumut tusarniaanernermit akissutigineqarsimasut assilineri ataatsimiititaliami suliarinnissami atugassatut Ataatsimiititaliamit pissarsiarineqarput.

Kanukoka tusarniaanermut akissuteqarsimanngimmat taamaattumik tamatuma kingorna tusarniaanermut akissutinik Kanukokamit pissarsiniartoqarsimasoq Ataatsimiititaliap maluginiarppaa. Nuna tamakkerlugu peqatigiiffiup maannakkut malittarisassanik suliaasaqarfimmilu suleriaatsinik inatsisiliornikkut allannguinerit siunnersuut isigineqarmat oqaaseqaateqarnissamat pissutissaqarsimanatik taamaattumillu tusarniaanermut akissuteqarsimanatik akissuteqaamminni Kanukoka ilisimatisivoq. Tamanna tusaatissatut Ataatsimiititaliamit tiguneqarpoq.

Siunnersuut:

Peqqinnissaqarfiup sullissineri pillugit Inatsisartut peqqussutaani paragraffit marluk allanngortinneqassasut siunnersuutigineqarpoq: Pisuni immikkut illuinnartuni atortorissaarutitut Kalaallit Nunaata avataani pissarsiarineqartunut tapiissuteqartoqarsinnaaneranut Naalackersuisut malittarisassiorsinnaanerannut § 24 imm. 2 pisinnaatitsivoq. Pisinnaatitsinermut tunngaviup atorunnaarsinneqarnissaa Naalackersuisunit kissatigineqarpoq taamaalilluni peqqinnissaqarfiup atortorissaarutitut tamakkiisumik ilaannakuusumilluunniit akilertagaat peqqinnissaqarfimmit nakkutigineqassammata. Tamanna nakkutiginninneq Peqqinnissaqarfiup pitsaassuseq qulakkeersimappagu Peqqinnissaqarfiup Danmarkimi niuerfinnut immikkut toqqakkanut atortorissaarutitunik pisiniarnerani pisarpoq.

§ 25-ip allanngortinneqarnissaa aammattaaq Naalackersuisunit kissaatigineqarpoq. Sullissineq pillugu maannakkut peqqussummi pisuni peqqussummi aalajangersaavigineqarsimanngitsuni akiliilluni peqqinnissaqarfimmit sullinneqarsinnaanermut Naalackersuisut isumaqatigiissuteqarsinnaapput. Isumaqatigiissutit qanoq ittut Peqqinnissaqarfiup akuliuffigisinnaanera siunnersuummi ersarissisinneqarnissat kissaatigineqarpoq. Aammattaaq allanguutissatut siunnersuut napparsimasimasunut naammassineqartumik katsorsartissimasunut peqqinnissaqarfiup suliffeqarfiutaanni najugaqartitsisarnerni atugassarititaasut pillugit kiisalu peqqissaanermi atortussanik, iluaqusersuutitullu sullissinernillu allanngortinneqartartut pillugit atugassarititaatitaasut pillugit nalunaarusiornikkut maleruagassanik Naalackersuisut aalajangersaanissamut inatsisitigit tunngavissaannik imalik siunnersuutaavoq.

Ataatsimiititaliap siunnersuummik suliarinninnera:

Siunnersuummik Inatsisartuni siullermeerinninnermi partiit oqaaseqartitaanit apeqqutit arlalinnik saqqummersoqarpoq. Naalackersuisunut ilaasortap allagaani 12. oktober 2006-imeersuni apeqqutit taakku akineqarsimapput.

Akissutigineqartoq taanna naammagisimaarlugu Ataatsimiititaliap oqaatigaa annertunerusumillu siunnersuummut oqaaseqaatissaqarani. Akissuteqaat isumaliutissiisummut ilanngussatut ilanngunneqarpoq.

Tamanna tunuliaqutaralugu siunnersuut maanna ilusimisut ilusilik Ataatsimiititaliap isumatigiittup akuersissutigineqassasoq inasuutigaa.

Taama oqaaseqarlutik Inatsisartut Peqqissutsimut Ataatsimiititaliaata "Peqqinnissaqarfiup sullissineri il.il. pillugit Inatsisartut peqqussutaata nr. xx xx 2006-imeersup allanngortinneqarnissaanut Inatsisartut peqqussutissaattut siunnersuut" (Peqqinnissaqarfiup sullissinernut akileeqqusisinnaanerata il.il. inatsisitigit ersarissarneqarnera) appasaaniigassanngortippaa.

Jens Lars Fleischer,
Siulittaasoq

Godmand Rasmussen

Vittus Mikaelen

Juliane Henningsen

Astrid Fleischer Rex

[Ilanngussaq](#) (pdf-format)